

MAIATZAK 25 - UDAL HAUTESKUNDEAK

Bildu Hernanik lortu du babesik zabalena eta EA-EAJk gehiengo osoa izango du Udaletxean

■ Bildu Hernaniren aldeko papeletak, nuloak barne, 3.657 izan dira ■ Joxan Rekondok EA-EAJ koalizioko zinegotzien botuak nahikoa izango ditu Alkate izateko.

BILDU Hernanik lortu du babesik zabalena Udaltaldean eta EA-EAJk izango du gehiengo osoa Udaletxean, bederatzi zinegotzirekin. Boto baliogabeak 3.657 izan dira, eta hauetatik Bildu Hernani plataformarentzat zenbat diren jakinarazi ez badute ere, Hernanin gehiengo osoa izan da, nahiz eta Udaletxean ez den izango, Auzitegi Gorenak baliogabatu ondoren. EA-EAJk 2.930 boto atera ditu eta bederatzi zinegotzi lortu ditu. Bildu Hernanik, bere botuak kontuan hartu izan balira, 7 zinegotzi izango lituzke.

Udaletxean EA-EAJk bederatzi zinegotzi izango ditu, gehiengo osoa lortu du beraz. Bigarren indarra PSE-EE da 4 zinegotzirekin (aurrekoan baino 2 zinegotzi gehiago); hirugarren indarra EB-IU izan da 2 zinegotzirekin (aurrekoan batere ez zuten) eta laugarren indarra PP izan da bi zinegotzirekin (aurreko Udaltaldean bakarrik atera zuten).

15.506eko zentsotik 9.994 lagunek eman zuten botoa atzo, parte hartzea, beraz, % 64,46-koa izan zen. □



Udaleko arduradunak inguratutako jendeari azalpenak ematen.

UDALERAKO ZINEGOTZIAK: EA-EAJ: Joxan Rekondo, Andoni Amonarriz, Iñaki Arratibel, Jose Ramon Lasarte, Iñaki Barrio, Jose Antonio Cuesta, Antonio Costa, Natalia Ugalde eta Patxi Artola. PSE-EE: Jose Morcillo, Jose Ramon Chica, Jose Perez eta Estefania Morcillo. EB-IU: Jose Maria Mercado eta Jesus Uzkudun PP: Pedro Ignacio Gandasegui eta Juan Dios Davila.

BALORAZIOAK

Bildu: "Aurreneko indar gisa konsolidatu gara, oztopo guztien gainetik"

BILDU Hernani plataformak oso positibo baloratu du atzo herritarrek emandako babesak. "1999tik jeitsi egin gara, baina, 2001etik igo egin gara. Oztopo guztien gainetik herriko aurreneko indar gisa konsolidatu gara. Herritarrek errekonozitu egin dute gure gestioa" adierazi zuten Mila Apezetxea eta Ixiar Miner zinegotzi eta Bildu Hernaniko kideak. Bildu Hernanik eskerrak eman dizkie egoera honetan konfiantza eman dieten guztiei, eta plataforma aurkezteko sinadura eman zutenei.

EB-IU: "Guretzat oso emaitza positiboak izan dira"

EZKER Batua pozik zegoen Udaletxetarako emaitzekin, aurreko hauteskundeekin konparatuta asko igo delako. Txema Mercadok azaldu zuen Ezker Batuak lortutako botoak elkarriketarako eta ezkerreko politika bultzatzeko balioko dutela. Gehiengo absolutuak onak ez direla esanda, adierazi zuen Hernanin hitz egiteko beharra dagoela.

PP: "Bi zinegotzi lortzea oso exitosoak izan da"

Pedro Gandasegui PPko buruak esan zuen PPk bi zinegotzi ateratzea "oso exitosoak" zela, "Hernani bezalako herri batean, PPko botante direnek kontu haundiarekin ibili beharko dutelako". Kargua hartuko zuela agindu zuen berriz ere.

EA-EAJ koalizioak esan zuen nahiago zuela balorazioak gaurtik aurrera egin, eta Kronikak ez zuten PSE-EE-ko buruekin hitz egiteko modurik izan. □

UDALA	
PARTIDUA ZINEGOTZIAK	
EA-EAJ	9
PSE-EE	4
EB-IU	2
PP	2

UDALA	
BILDU HERNANIREN 'BOTOAK'KONTUAN HARTUTA	
BILDU	7
EA-EAJ	5
PSE-EE	3
EB-IU	1
PP	1

ETXE ONENAK, S.A.

GARAJE ITXIAK

"OBLATOS"ETAN SALGAI

Informatu eta saldu:
☎ 943 33.22.37

Catalana Occidente

Aseguruak

Bautista Biurrarena Etxegoien

Kardaberaz 40 - behea
Tel.: 943 332440
Faxa: 943 556602
Mobila: 610 292701
20120 Hernani

GSE

Lan aholkularitza

Fiskala


Kontablea

Tel.: 943 550254
Faxa: 943 335801
Atzieta 51 - behea 20120 Hernani

Gipuzkoako Foru Aldundirako Hauteskundeetan babesik zabalena AuB-k jaso du Hernanin

■ AuB-ren aldeko papeletak, nuloak barne, 3.289 izan dira; EA-EAJk 2.913 boto; PSE-EEK 1.530; PPK 746; IUk 743; Aralarrek 534; Plazandrokek 40 boto.

GIPUZKOAKO Foru Aldundirako Hauteskundeetan AuB plataformak izan du Hernanin babesik haundiena, nahiz eta ezingo duen Diputazioan izan. Bigarren indarra EA-EAJ izan da Udal Hauteskundeetarako boto berdintsuekin. PSE-EE, PP, IU, Aralar eta Plazandrokek gelditu dira hurrenez hurren. Parte hartzea % 64,2koa izan da Hernanin. Gipuzkoako Diputazioan EA-EAJk ateratu du gehiengo osoa, 27 batzar-kiderek; PSE-EEK 12 ateratu; PPK 8; EB-IUK 3 eta Aralarrek 1. □



PELOTA- PALETA GOMA HERNANIKO TXAPELKETA



Goiatz Manzisidor pelota jotzen, eta besteak begira. Tanta erraz bukatu zuen atzo hernaniarrak.

Manzisidor eta Martinezek aixa irabazi zuten

■ 30-14 menperatu zituzten Lasa eta Arozena ■ Datorren astean jokatu da lehen faseko azken partidua ■ Herri Arteko pelota txapelketan Hernanik 3-0 irabazi, berriz ere.

HERNANIKO Txapelketako partidua jokatu ziren atzo kiroldegian. Lehen partiduan Etxegia-Mendizabalek 30-24 irabazi zieten Urkizu-Ruizi. Bigarren partiduan hernaniarrak izan ziren nagusi. Goiatz Manzisidor eta Amaia Martinezek asko estutu gabe irabazi zieten Lasa-Arozenari. Partidua ez zuen kolorerik izan, Lasak ez baitzuen dakienaren

erdirik ere eman eta Arozenak asko jokatzen duen arren, ezin du 16 urterekin neurri honetako partidua bat puskatu. Hernaniarrak beren lana ondo egin zuten eta lehen partidua irabazi dute Hernaniko Txapelketan. Datorren igandean jokatu dute Manzisidor eta Martinezek lehen faseko azken partidua eta ondoren hasiko da azken fasea.

Herriarteakoan ere erraz
Larunbatean herriarteako txapelketako partidua jokatu ziren kiroldegian eta Hernanik 3-0 irabazi zion berriz ere Anoetari. Kadetetan 22-7 irabazi zuten, jubeniletan 22-18 eta nagusietan 22-9. Datorren larunbatean Aiaren kontra neurtuko da Hernani, kiroldegian. Anoeta baino kontrario gogorragoa izango dute. □

KIROLA			ASTE BURUKO PARTIDUAK		
FUTBOLA	Taldeak	Emaitza	PELOTA	Taldeak	Emaitza
Gorengen liga	Tribupe-Hernani	3-2	Herriarteakoa		
Emakumezkoen liga	Bukatuta		Kadete	Aixte-Gombategi-A noeta	22-7
1. Erejona	Bukatuta		Jubenilak	Añeta-Otegi-A noeta	22-18
Gazteen Ohoerko liga	Euskaduna-Hernani	2-5	Nagusiak	Zabala-San Sebastián-A noeta	22-9
Kadeten Ohoerko liga	Hernani-Roak	0-0	Hernaniko txapelketa-paleta gomakoa		
Kadeten 2garren maila	Hernani-Oñiza	2-5	Alebinak	Etxegia-Mendizabala/Urkizu-Ruiz	30-24
Haurren Ohoerko liga	Bukatuta		Alebinak	Lasa-Arozena-Manzisidor-Martinez	14-30
ERRUGBIA			Erremontea - Galaretza		
Alebinak	Hernani-Muger	0-10	1) Zabalak-Agnezabala/Juaristi-Uñia		35-25
Kadetea Estatuko txapelketa	Estatuko txapelketa	8garren	2) Zeberio-Itj-Etxebarria/Lizaso-Etxagire		32-40
Nagusiak lagunartekoa	Baigorri-Hernani	0-7	3) Etxebarria-Etxebarria/Bitorra-Bitorra-Aizpina		40-32
Nagusiak lagunartekoa	Baztan-Hernani	3-40	4) Lasa-Arozena/Bereziartua-Uñetabika II		24-30

HITZ BITAN

✓ IPUA BITERIN

Ipui kontalaria asteazkenean. Etzi, asteazkena, Lur Korta ipui kontalaria ariko da Biteriko liburutegian, umeentzako ipui kontatzen. Lehen saioa 17:30etan izango da, 3-4 urte arteko neska-mutilentzat eta bigarren saioa 18:00etan, 5-7 urte artekoentzat.

✓ MENDIRIZ MENDI

Mendi bizikleta irteera datorren asteburuan. Mendiriz Mendik mendi bizikleta irteera antolatu du Orbaizeta ingurura. Larunbat arratsaldeko 17:30etan Atsegindegitik irten eta Orontzen afaldu eta lo egiteko asmoa dute. Igandean Ollokiko lepotik Orbaizetara egingo da bizikleta martxa. Izen ematea ostirala aurretik egin behar da Mendiz Mendin. Prezioa: 32 euro.

✓ ERRUGBIA

Kadeteak Estatuko 8garren. Partidurik irabazi gabe baina denak borrokatuta bueltatu dira hernaniar errugbilari gazteak Tarazonatik. Estatuko txapelketako finalak jokatu dira asteburuan eta hernaniarrei zorte pixka bat eta tantoak egitea falta izan zaie sailkapenean gorago bukatzeko, partidua guztiak juxtu galdu baituzte. Kadeteek denboraldi dotorea egin dute aurtengoa ere.

✓ URUMEA IKASTOLA

Hitzaldia 'Eskolaren eragina familian' zer egin?' Hitzaldia dago bihar Urumean, eskolak familian duen eragina aztertzeko. Elkanoko ikastetxeko liburutegian izango da, bihar asteartea, arratsaldeko 19:00etan.

✓ ERROMESALDIA ARANTZAZURA

Arantzazura erromesaldia ekainaren 1ean. Arantzazurako peregrinazioa ekainaren 1ean izango da. Hernanin izen ematea Eguzki perfumerian egin behar da, Kale Nagusian. Autobusa Arantzazura eta bazkaria izango dira.

✓ HAURREN AURRESKUA

Gaur hasiko dira San Joanetarako entsaioak. San Joanetarako haurren aurresku entsaioak gaur hasiko dira. Entsaioak Gabriel Celaya ikastetxean dira, Karmelo Labakan. Gaur 19:30etan. Aurrez eman behar da izena.

✓ MAHAI TENISA

Hernani Kirol Elkarte haserre. Hernani Kirol Elkarteak salatu du, maiatzaren 17an kiroldegian ez zirela mahai tenisko materiala sartzen utzi. Kronikara bidalitako prentsa oharrean diote, Buruntzaldeko txapelketa Lasarten jokatu gero materiala kiroldegira zekarkitela 20:00etan, eta kiroldegia irekia zegoela aerobitona izan zelako. Zuzendaria bera han zen KEak dioenez eta eginahalak eginda ere kalean gelditu ziren, 12.000 euroko materiala nora eraman ez zekitela. Azkenean, Donostiko Etxadiren instalazioetan utzi zieten tokia eta gaueko 00:00etan bukatu zituzten materiala deskargatzeko lanak. Kiroldegiko zuzendariaren jarrera Patronatuarekin hitzartzen ari diren konbenioaren kontrakoa dela azaldu die Kirol Elkarteak Kirol Patronatuko arduradunei eta denboraldi bukaera artean gelditzen ziren mahai tenis txapelketak bertan behera utzi dituzte.

✓ ATLETISMOA

Eider Aldabek brontzea Euskadiko Txapelketan. Atletismoan, Eskolarteko Euskadiko txapelketak jokatu dira eta bi hernaniarrek hartu dute parte. Eider Aldabe hirugarren gelditu da 1.000 metroan eta Laura Madina 5garren 150 metroan. Honenbestez, bi atleta gazteek erremate dotorea eman diote aurtengo denboraldi oparoari. □

ZERBITZUAK

☎ TELEFONOAK

► Taxiak:
943 550093
► Udaltzaingoa:
943 333288
► DYA:
943 464622
► Anbulatorioa:
943 006666
► Jokalari anonimoak
943 331103

☎ FARMAZIAK

ASTELEHENA

► Egunez: Bulnes
Florida auzoa
☎ 943 557738
► Gaez: Oa
Usurbil. Poligono 1, 1
☎ 943 376076

ASTEARTEA

► Egunez: Gomez Juste
Kale Nagusia 14
☎ 943 554892
► Gaez: Tanco
Urnieta. San Juan 36
☎ 943 550942

IRAGARKI MERKEAK

Tabernako sukaldean lan egiteko pertsona bat behar dugu. Interesatuak deitu goizez telefono honetara: 943 55 67 06